

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,*

QUOD LIBETARIIS DISPUTATIONIBUS,
manè discutienda in Scholis Medicorum, die Jovis vigesima-septimâ
mensis Januarii, anno Domini M. DCC. LXXIV.M. PETRO-JOSEPHO MACQUER, Regiæ Scientiarum Academiæ
Taurinensis & Parisiensis Socio, Censore Regio, Chemiæ in Horto
Regio Professore à Rege designato, Doctore Medico, Præside.*An lui Venerea sublimatum corrosivum?*

I.



R BEM ferè universum devastabat venerea lues, & novis quotidie famosa
funeribus, quæsitæ irridebat artes, cum celeberrimus Medicus Carpi, hujus
pestis antidotum in Mercurio detexit. Jam evanescere incipiebat opinio,
quæ mineralem illam substantiam inter venena recenserebat & in cutis defœ-
dationibus; quantâ cum utilitate adhiberetur, Arabum schola docuerat.

Abscissum itaque, quodammodo apparuit humanitatis illud flagellum, & mercurialis
unguenti applicatio, ad fugandos tristes errabundæ veneris effectus, diu, solaque inva-
luit. Sed ab interno mercurii usu, majora adhuc commoda sperantes Medici, ipsum
etiam in substantiâ farinâ, saccharo, aut therebentinâ extinctum suaserunt, donec,
prælucente Chemiæ face, audaciores facti, mercurialium productorum vires etiam
experiri susceperint. Tantâ vi pollebant omnes illæ præparationes, & præcipuè quæ
ex unione mercurii cum variis acidis mineralibus emergebant, ut quibus mediis edulco-
rarentur, sollicitè investigaverint. Dùm verò drasticam ipsarum qualitatem infringere,
multo labore conabantur, omnis earum virtus evanescerebat, & illa tantum, quæ mine-
rali propria erat substantiâ, reviviscebatur; aut cum parva in ipsis mercurii quantitas
ingereretur, ut inefficaces in luis venereæ curâ, ablegatæ fuerunt. Inter eas causticâ
vi horrendum distinguebatur sublimatum corrosivum. Scelestis tantum manibus desti-
natum, ab omnibus ferè habebatur; cum (hærentibus præ stupore animis) in immor-
talis Boerhavi Chemiâ legeretur, metallicum illud sal, in morbis insanabilibus plurimis,
mira esse patratum. Eruditissimi illius Medici prudentia, cognita in omnibus artis suæ
doctrina, ipsum temeritate, aut ignorantia inculcare non sinebant. Sublimati igitur vires
experimentis confirmare allaboraverunt celebres in arte viri, & in siphylidis curatione
victicia præcipuè suppeditaverunt auxilia. Et revera, tetram illam luem eradicare
debet illa præparatio si ita edulcorari possit, ut ingestâ, deleterii ex ipsâ nulli sobo-
lescant effectus, & specifica mercurii vis in ea magis adhuc exaltetur.

I I.

QUI potentioribus remediis morbos depellere satagit, eorum naturam calleat,
necessum est. Perpendamus igitur quid sit sublimatum corrosivum, & unde sua
procedat caustica qualitas.

Sublimatum namque corrosivum est sal cum excessu acidî, exurgens ex connubio acidî
marini cum mercurio. Acida autem omnia, sicut ipsa nobis suppeditat distillatio,
adeo caustica sunt, ut partes corporis quibus applicantur, corrodere valeant, & eò
major est eorum deleteria virtus, quò magis suo phlegmate spoliuntur. Metallis injecta

* Auctore M. GUILBERT, anno 1763.

ipſa diſſolvunt, &, ulteriori elaboratione, cum ipſis varia ſalia conſtituunt, magis aut minus cauſtica, ſolubilia.

Cum autem ratione dephlegmationis, creſcant liquoris acidi cauſticæ vires, quò major humidi quantitas ipſi reſtituetur, eò magis etiam decreſcere debent, & ſi non abſolute evaneſcant, inſenſiles adeò fieri poſſunt, ut tunc corpora quæ tangunt, non ampliùs deſtruire, vix quidem guſtus organum ferire queant.

Tali ſub formâ conſiderati iſti liquores, jucunda quam linguæ imprimunt ſenſatio, & ipſius ſimilitudo cum acido ſapore, fruſtuam quos, æſtuate Sirio, tam liberali manu proſundit natura, Medicos impulere, ut ipſorum internè ſumptorum virtutes experirentur. In ipſis brevi deſectâ fuit eadem quæ fruſtibus horæis propria eſt antiſeptica, temperans, refrigeranſque virtus ægris optatam opem præcipuè ferens, in ardoribus quorum fomes erat putrida colluvies. Hinc acida mineralia nullo modo eſſentialiter eſſe venenofa innotuit, quamvis periculofiora ex ipſis erui poſſint deleteria. Dùm enim in maximâ eorum concentratione, mineralibus ſociantur particulis, graviora adhuc evadunt, & eorum tunc corroſiva vis eminet. Mercurio nupta, variis, ut jam retuliſmus, originem præbent mixtis, quæ ab acidis tantùm ſuam mutantur cauſticam facultatem. In mercurio namque nullo imprimis adulteratum connubio, corroſivam vim exiſtere, nunquam experientiâ docuit. Strages ergo quas adeò funeſtas edere valet ſublimatum, ab acido marino pendent, & imprudenter utenti necem eò certiorẽ inferet, quò liquor acidus ſub formâ vaporis, ignis vi, cum mercurialibus globulis ſic etiam elevatis, æctiori vinculo connectitur; ſed ex eo proceſſu ſal metallicum quod emergit, in aquoſis liquoribus perfectè diſſolvi poteſt, ſicquẽ prudenter adminiſtratur, medicamentofis inſignietur dotibus toxicum, quod nunc vitæ infeſtiſſimum habebatur.

III.

SIMILI enim artificio frænabitur deleteria ſublimate vis, ac acidorum cauſtica qualitas, cum ab ipſis tantùm illam mutuetur. Acida verò, ut experientiâ conſtat, in aquoſis ſoluta liquoribus, miſceſcunt. Medium itaque quo ſublimate vires, ut & acidorum, ad gradus componamus inhnitos, ipſa nobis ſuppeditat diſſolutio. Tunc enim quodcumque ſit liquoris ſolventis volumen, ipſius quævis portio, ſoluti ſalis proportionatam quantitatem continet, & cum illimitata ſit illa diviſio, minimæ tantùm partes doſis minimæ corporis ſoluti, viſcera noſtra ſubiunt, & ſeſe cum lymphâ, ſanguine, & humorum alveo ſemper immiſcendo, majorem adhuc ſubdiviſionem experientur. Sed magis cauſticum ſemper erit ſublimatum, quàm acidum marinum. Illius namque guttula in aquæ uncia extenſa, inſenſilis fere eſt, ſublimate verò granum, in æquali aquæ quantitate, ſolutum, adhuc horrenda patrabit infortunia, ſed ſolutionis ope, quantum volueris, ipſum dividere potes, & ſic centeſimam, ducenteſimam, & milleſimam quidem grani partem adminiſtrabis. Luce nonne clariùs patet, ſublimatum tunc nullo modo periculofum eſſe, & ad inertiam quidem reduci poſſe; aſt gradatim iterum aſcendendo, doſim obtinebis quæ tutò & efficaciter uſurpari poterit.

Quot & quanta commoda præſtet in praxi medicamentorum ſolubilitas, ex his etiam innotefcit, pulveres eorumque dilutio nunquam tanta tamque pretioſa ſuppeditatant, metallicæ namque partes, in pulverem tenuiſſimum quidem reductæ, ſi diſſolvi nequeant, nullam alterationem patientur, & ubique ſemper eadem erunt. Sed cum ſolutio, potùs quantitate, & cum liquoribus noſtris miſcelâ, maioris adhuc capax ſit extensionis, tunc acerrimi quidem mixti particulæ, debiles tantùm, ſed ſalutares ſemper exerent effectus, ſi præcipuè natales ducant eſt ſubſtantiis, quæ ſpecificis inſtructæ virtutibus, potentiora quotidie ſuppeditant remedia, quorum ope deteriores morbos Medicina debellat.

IV.

UT autem dignoſcamus, an ſublimatum ſic diſſolutum, virtutibus ſuis non defraudetur, & doſis exiſtat, quæ cum efficaciâ adminiſtrari poſſit, hic, ſola conſulenda venit experientiâ, ſicut, & ipſâ ducente, medicamentorum vires inquirendæ ſunt. Hic ratiocinia deſiciunt, & nemo unquàm, ſolâ ingeniî acie, cujuſlibet ſubſtantiæ proprietates detexit, quin priùs ipſas experimenta prodiderint.

3

Externè applicati cùm palàm innotescat sublimati caustica vis, latere diù non potuit. Sed suà in aquosis solubilitate, & solutionis extensione, cum imminuita an nihilari quidè possit, internum ejus ulum, & dosim quæ efficaciter agereta, experiri medicos nihil vetebat. Observationibus nostris paginam adimplere possemus; sed cùm celebriores Europæ Medici, hujusce remedii patronos jam sese declaraverint, quid valeret nostra autoritas?

Ne tamen in re tam seriâ, aliquid neglexisse videamur rationes etiam, quæ felicem suffulcunt experientiam, hic subnectere liceat.

Quodcumque corpus, aliquâ virtute potens, majori, aut minori activitate pollet. In excessu semper nocet, debilitatum, inefficax est, solum præstat, inter extrema, medium. Ignis ipse rapido si volvatur turbine, vorat omnia, omnia sine igne marcescunt, moriuntur, moderatus omnia vivificat Entia. Medicamenta similiter, excessivâ si adhibeantur dosi, venena sunt; si debiliori, inefficacia; sola debita quantitas cùm utilitate operatur. Nemo namque fennæ libræ decoctum impunè hauriret, guttulæ quædam inutiliter deprehenderentur, tres aut quatuor drachmæ commodè alvum ducunt.

Cur igitur ex tam generali regulâ sublimatum exciperetur? Quoties etiam non sine voluptatis sensu observavimus agrotantes nostros, tertio jam die quo sublimato utebantur, ipsius grana duo cùm vix assumpserant, notabilem in omnibus mali symptomatis experiri mutationem. Quoties ulcera generationis partes depascentia, veluti incantamento, curata mirati sumus. Adeò enim est intima, & illuminata sublimati cùm liquidis nostris miscela, ut statim atque fluidorum Oceanum ingreditur, omnes limphaticæ partes cum ipsius moleculis confunduntur, magis ac magis immisceantur, & partium metallicarum contactu atterantur, & dividantur. Quod ut magis adhuc inconcussum maneat, ulceris venerei naturam, & quid ad ejus curationem necessarium sit, expandere fert animus.

Dùm cæstro titillata venereo genitalia turgent, & coitu impuro polluantur, ipsorum aperta subit absorbentia vasa siphylitica lues; & lympham quibus irroratur, inficit. Viru contaminatus ille liquor, in canalibus suis hæret, ipsa dissendit, & pustulam efformat, quæ debilibus vasis, & levissimâ pelle cooperta, facillè disrumpitur. En, ulcus adest, ex ejus superficie, vasorum apertorum osculis, acris exsudat, & semper virulentus ichor, qui ipsorum rodens extrema, in largum & profundum continuò ferpit. Hocce mali genus nullâ aliâ arte certè curabitur, nisi illius lymphaticæ guttulæ, quam eructant vasorum oscula, virulentia corrigatur. Tunc enim ad cicatricem omnia natura suppeditabit. Quoties itaque in remedio internè sumpto, talis erit proprietas, ut hunc effectum, alio absque auxilio, patrare possit, asserendum erit eum ad ipsam, quam memoravimus virtutem, tantum referendum esse. Sic autem se habent sublimati virtutes, ut primis ab ipsis usu diebus sese exerant, à capite ad calcem, venerea aggrediantur symptomata, & ipsa dealeant. Quomodo autem concipiatur actio quâ virus venereum destruere valeat sublimatum, certum est quod solus contactus inter lymphaticas partes quibus siphylitica lues inhæret, & mercuriales globulos, mali curam absolvere possit. Nec magna mercurii quantitas, ad hunc contactum perficiendum necessaria est, si quædam grana, sed ad infinitum divisa, eum producere queant. Mercurii namque dosi quæ luc usque ad siphylidis curationem adhibita fuit, inefficaciam illius, quæ cum sublimato introducit non probat, sed è contrâ quàm inutilis sit quantitas, quæ in alius mercurium administrandi methodis fuit usitata, omnibus apertè demonstrat. Vires enim vitæ non sufficiunt, ut mercurius adeò dividatur, ac in sublimati dissolutione, sicque non sine magnâ ipsius quantitate, contactus ille generalis partes minerales inter & lymphaticas, in quo cura consistit, obtineatur.

V.

HIS innixi principiis, varia quæ nobis proponi possunt facillè diluemus objecta. Obgannunt enim aliqui, & clamitant, sublimatum in quibusdam corporis partibus nidulari posse, ibique deleteriam suam vim exerere. Sed quænam est illa quantitas quàm sic se colligere possit, pertinefcunt. Jam una, distributione generali, totam corporis

habitudinem irroravit, altera verò per omnes sensibiles, aut insensibiles effugere debuit excretiones. Fieri aliunde non potest illa collectio, quin resolvatur mercuri cum acido consortium, & illa decompositio, nullo modo nocere valet. Est enim parva mercurii, & acidi marini quantitas, nullius actionis manifestæ capax. Omnibus aliunde notum est, nullâ certiori viâ periculosos hujusce salis effectus enervari, quam si occurrat ipsi mixtum, quo mediante, sua operetur decompositio. Non ita verò res se haberet, & multò periculosior verè deprehenderetur, si, ut instant alii, divortium cum liquore solvente faceret sublimatum. Sed contrà hocce periculum sese obfirmare difficilis non est negotii. Satis enim est perpendere, hocce divortium nullâ stabilium esse ratione, omnibusque dissolutionis notionibus obversari. A solvente liquido salia non sic discedunt, præcipuè si satis extensa sit eorum dissolutio, multò minùs adhuc, si solvens fluidum, sicut corporis humani liquores, perpetuò caleat, & moveatur. Sal marinus ipse, quo omnes quotidie utimur, hujusce divortii particeps non est. In urinâ reperitur, & nemo unquam hocce sal in aliquâ corporis parte collectum observavit, quamvis tunc strages æquè funestas, ac sublimatum, ederet.

Quod verò spectat ad varias ventriculi, & intestinorum erosiones, quæ sublimati usus interni comites individuæ ab aliis dicuntur, ipsis sanctè asserimus, nos eas nunquam observavisse. Sed caveat ab errore Medicus. Prudenter à prudente Medico tantum administretur illud remedium; abstineat, si methodum nescit. Nonne per hæc clarissimi Boerhavii verba, promulgata quasi sublimati proscriptio! Ità sanè abstineant indocti. Sed non desunt sapientes & eruditi in arte viri qui potentiora remedia tractare possunt, ipsorum natura, præparationes, & proprietates ab ipsis non ignorantur.

Obscuris ne hæc ætate, latet viscerum structura, quid possint in ingesta ipsorum motus, & actio? Nonne possumus adhuc virum vitæ & medicamentorum effectus ponderare, judicare: quare igitur salutaribus auxiliis quibus abuti poterunt im prudentes, cauti non uterentur. Aliter coereretur ars quæ nullos limites habere debet, & ipsorum industria, quæ novis opibus illam ditare satagunt, enervaretur. His itaque rationibus, & cum omnes Europæ Academiæ sublimati successus concelebrent, experientiâ aliunde freti sidenter concludimus.

Ergò lui venereæ sublimatum corrosivum.

DOMINI DOCTORES DISPUTATURI.

M. Claudius LAFISSE, <i>Chirurgiæ Gallico idiomate Professor designatus.</i>	M. Joannes-Bapt. Michael BUCQUET.	M. Dionysius PAUTIER DE LABREUILLE, S. Comitis Gallo-Provinciæ, Medicus Primarius.
M. Josephus - Ignatius GUILLOTIN.	M. Ambrosius - Augustus BELANGER, Serenissimæ Comitissæ Atrebatum Medicus ordinarius.	M. Natalis-Andreas-Joannes-Baptista CHESNAU.
M. Carolus-Jacobus-Ludovicus COQUEREAU.	M. Franciscus - Maria LE MOINE.	M. Dionysius - Claudius DOULCET.

Proponerebat Parisiis FELIX VICQ D'AZYR, Valonæus apud Constantiensis; Serenissimi Comitissæ Atrebatum Medicus, necnon Saluberrimæ Facultatis Medicinæ Parisiensis Baccalaureus, A. R. S. H 1774. A SEXTA AD MERIDIEM.